

Sarajevo,

24-06-2024

Broj: 01-04-4-22793

Na osnovu člana 70. Zakona o javnim nabavkama („Službeni glasnik BiH“, broj 39/14 i 59/22), člana 48. Statuta KCUS-a (Sl.novine FBiH br. 73/13), član 24. stav 1. Pravilnika o javnim nabavkama Kliničkog centra Univerziteta u Sarajevu (65-04-2-4654 od 01.02.2023. godine) na prijedlog Komisije za javnu nabavku Izvještaj br. 10-33-4-21251-3 od 21.06.2024. godine, V.D. Generalnog direktora donosi:

### **ODLUKU**

o izboru najpovoljnijeg ponuđača za  
nabavku neonatalnih respiratora za potrebe Pedijatrijske klinike KCUS-a

#### **I**

**Prihvata se prijedlog Komisije**, po Izvještaju br. 10-33-4-21251-3 od 21.06.2024. godine nakon provedenog otvorenog postupka javne nabavke objavljenog na portalu e-nabavke dana 08.05.2024. godine pod brojem obavještenja 893-1-1-168-3-396/24 i ugovor dodjeljuje najpovoljnijem ponuđaču:

#### **DIAMEDIC d.o.o. Sarajevo**

za „Nabavku neonatalnih respiratora za potrebe Pedijatrijske klinike KCUS-a“

Tip/model i proizvođač ponuđenog: BABYLOG VN800, proizvođača DRAGERWERK

Jedinična cijena neonatalnog respiratora: 80.000,00 KM bez PDV-a x 3kom

**Ukupna vrijednost nabavke: 240.000,00 KM bez PDV-a + PDV 9.179,83 KM = 63.178,83 KM sa PDV-om**

- Ponuđena cijena je nepromjenjiva za cijeli ugovoreni period, izražena u KM i podrazumijeva isporuku, montažu, puštanje u rad, te edukaciju osoblja.
- Plaćanje predmeta nabavke će se izvršiti u roku 30 dana od dana isporuke, montaže, puštanja u rad, edukacije osoblja, te nakon potpisivanja Zapisnika/protokola o primopredaji opreme i ispostavljanja fakture.
- Garantni rok na predmet nabavke je 12 (dvanaest) mjeseci za isporučenu opremu i teče od dana obostrano potpisanog Zapisnika/protokola o primopredaji.
- Rok za isporuku, montažu, puštanje u rad opreme i edukaciju osoblja je 90 (devedeset) dana od dana potpisivanja ugovora i dostavljanja narudžbenice

#### **II**

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1. Tenderske dokumentacije, ukoliko istu nisu dostavili uz ponudu, u skladu sa dostavljenom Izjavom ponuđača, a ne starijih od 3 (tri) mjeseca računajući od momenta predaje ponude.

#### **III**

Ova odluka stupa na snagu danom donošenja i bit će objavljena na web stranici KCUS-a, kao i dostavljena ponuđačima učesnicima u postupku javne nabavke.

### **OBRAZLOŽENJE**

U skladu sa Odlukom KCUS-a broj: 58-11-3-15459-1 od 24.04.2024. godine, putem otvorenog postupka pokrenut je postupak javne nabavke za „Nabavku neonatalnih respiratora za potrebe Pedijatrijske klinike KCUS-a“. Procijenjena vrijednost nabavke je 240.000,00 KM bez PDV-a. Predviđeno je zaključivanje ugovora. Nabavka je planirana izmjena i dopuna Planom javnih nabavki za 2024. god. pod kategorijom „robe-investicija“ redni br. 238. (Odluka o izmjenama i dopunama Plana javnih nabavki Kliničkog centra Univerziteta u Sarajevu za 2024 godinu, broj: 100/24 br. protokola 65-04-4-12173 od 01.04.2024. godine). Sredstva za nabavku su obezbjeđena iz dobiti 2022. godine. Uslovi plaćanja predviđeni za postupak nabavke su u roku 30 dana od datuma izdavanja računa (na osnovu dopisa Sektora za finansijske, knjigovodstvene i planske poslove br. 56-11-3-15361 od 23.04.2024. godine).

*Ilmina Febo*

Ugovorni organ je 08.05.2024.godine objavio tendersku dokumentaciju pod brojem 893-1-1-168-3-396/24 na portalu e-nabavke koju je preuzelo 12 (dvanaest) potencijalnih ponuđača i to: PAROCO-B MEDICAL EQUIPMENT D.O.O.; EKAPIJA DOO ; BBS EUROPE; DIAMEDIC DOO; ALFA MED; "TUZLA-FARM" D.O.O. TUZLA; DERBY TRADE D.O.O.; RAUCHE MEDICAL D.O.O.; "INEL-BH" DRUŠTVO ZA PROMET MEDICINSKOM OPREMOM I POTROŠNIM MATERIJALOM; PROMA DOO; MELCOM D.O.O. MOSTAR i CENTAR ZA RAZVOJ MEDIJA I ANALIZE.

Do krajnjeg roka za dostavljanje ponuda 11,30 sati dana 11.06.2024. godine na Protokol Kliničkog centra Univerziteta u Sarajevu zaprimljene su 2 (dvije) ponude ponuđača i to:

PODACI IZ PONUDE	1.	2.
Naziv ponuđača	DIAMEDIC d.o.o. Sarajevo	TUZLA FARM d.o.o. Tuzla
Broj i datum ponude (što je evidentirano zapisnikom o zaprimanju ponuda br. 10-33-4-21251 od 11.06.2024. godine)	10-11-3-21164 od 10.06.2024. godine u 15 h i 22 min	10-11-3-21238 od 11.06.2024. godine u 11 h i 10 min
Cijena ponude bez PDV-a (KM)	240.000,00 KM	239.985,00 KM

Komisija imenovana Odlukom broj: 01-04-4-17909 od 16.05.2024. godine je izvršila detaljnu analizu i ocjenu ponude i Zapisnikom o pregledu i ocjeni ponuda br. 10-33-4-21251-2 od 21.06.2024.godine konstatovala sljedeće:

- **Pregledom dostavljene ponude ponuđača TUZLA FARM d.o.o. Tuzla, Komisija je konstatovala da je ista nepravilna jer nije dostavljena u skladu sa predmetnom tenderskom dokumentacijom.**

Uvidom u dostavljenu dokumentaciju ponuđača TUZLA FARM d.o.o. Tuzla i zahtjeve iz tenderske dokumentacije (tačka 3.1) koje je ponuđač dužan ispuniti kako bi učestvovao u postupku nabavke, isti nije u potpunosti ispunio. Naime, ponuđač je bio dužan dostaviti „*Pojedinačni certifikat/i serviser (najmanje jedan) kojim ponuđač raspolaže, a kojim se dokazuje da su serviser/i osposobljen/i za održavanje opreme na koju se odnosi predmetna nabavka, kao i dokaz da su ponuđač i serviser/i u poslovnom odnosu (Ugovor o radu ili Ugovor o angažovanju ili Ugovor o poslovnoj saradnji ili Izjavu ponuđača o poslovnoj saradnji sa certificiranim serviserom za predmetni postupak obostrano potpisan)*“ kako je definisano tačkom 3.1. pod j). Ponuđač TUZLA FARM d.o.o. Tuzla je u svojoj ponudi na stranici br. 53 dostavio kopiju certifikata u boji koji nije ovjerio kod nadležnog organa. Tenderskom dokumentacijom tačkom 3.1.1. u napomeni je jasno definisano kako se dostavljaju kopije dokumenata „*Ponuda mora sadržavati sve navedene dokumente u originalu ili ovjerenoj kopiji (ovjerena kopija dokumenta podrazumijeva kopiju ovjerenu kod nadležnog organa – tj. organa uprave ili notara, u daljem tekstu ovjerena kopija), u suprotnom će se smatrati nepotpunom i neće biti uzeta u dalje razmatranje*“. Nadalje tenderskom dokumentacijom tačkom 3.7 . Zahtjevi po pitanju jezika pod tačkom 3.7.1. je definisano da „*ponuda, svi dokumenti i pisana korespondencija u vezi sa ponudom između ponuđača i ugovornog organa mora biti na jednom od službenih jezika u Bosni i Hercegovini i napisana na latiničnom ili ćiriličnom pismu ili na nekom drugom jeziku koji se najčešće koristi u međunarodnoj trgovini, ali pod uslovom da je obavezno u ponudi dostavljen i zvanični prevod (ovjeren od strane ovlaštenog sudskog tumača za jezik sa kojeg je izvršen prevod), na jedan od službenih jezika u Bosni i Hercegovini.*“ Ponuđač nije ispunio ni ovaj uslov definisan tenderskom dokumentacijom, jer je u svojoj dostavio certifikat na engleskom jeziku bez prevoda kako je definisano tenderskom dokumentacijom tačkom 3.7.1.

Također, po pitanju ispunjenja ostatka zahtjeva definisanih tačkom 3.1. pod j), ponuđač nije dostavio dokaz kojim dokazuje „*da su ponuđač i serviser/i u poslovnom odnosu (Ugovor o radu ili Ugovor o angažovanju ili Ugovor o poslovnoj saradnji ili Izjavu ponuđača o poslovnoj saradnji sa certificiranim serviserom za predmetni postupak obostrano potpisan)*“, tačnije nije dostavio neki od dokaza da su ponuđač i serviser u poslovnom odnosu u vidu Ugovora o radu ili Ugovora o angažovanju ili Ugovora o poslovnoj saradnji ili Izjave ponuđača o poslovnoj saradnji sa certificiranim serviserom za predmetni postupak obostrano potpisan. Tenderskom dokumentacijom tačkom 3.1.1. u napomeni je jasno definisano „*Neprilaganje bilo kojeg dokaza i/ili izjave diskvalifikuje ponuđača*“.

Daljim pregledom ponude ponuđača TUZLA FARM d.o.o. Tuzla komisija je konstatovala da je ponuđač u Aneks-u 3- tehnička specifikacija (stranica br. 11) pod tačkom 3. kojom je traženo: "Svjetlo alarma vidljivo sa svih strana - 360°" u koloni "Potvrda tehničkih karakteristika DA/NE" upisao ne, a u koloni „Opis ponuđenog ukoliko je odgovor NE“ ponuđač je upisao „alarmno svjetlo je na konzoli“, ne ispunjava tehnički zahtjev definisan pomenutom tačkom 3. Aneks – a 3 Tenderske dokumentacije i u konačnici nije prihvatljivo za krajnjeg korisnika (intenzivna njega na pedijatrijskoj klinici). Ovako definisani tehnički zahtjev je od izuzetne važnosti za osoblje intenzivne njege Pedijatrijske klinike kako bi isto sa udaljene lokacije unutar intenzivne njege moglo uočiti bitan faktor, aktivirano alarmno svjetlo. Na ovaj način osoblje intenzivne njege Pedijatrijske klinike nije prinuđeno da čitavo vrijeme bude prisutno uz uređaj i isključivo prati konzolu uređaja kako bi uočio alarmno svjetlo na istom.

**Na osnovu gore navedenog Komisija je konstatovala da ponuda ponuđača TUZLA FARM d.o.o. Tuzla ne ispunjava formalno pravne i tehničke zahtjeve, postavljene tenderskom dokumentacijom, pa je nepravilna i ne može učestvovati u daljem toku natjecanja.**

- **Pregledom dostavljene ponude ponuđača DIAMEDIC d.o.o. Sarajevo Komisija je konstatovala da ista ispunjava formalno pravne, tehničke i suštinske zahtjeve, a što se vidi iz tabelarnih prikaza, gdje je dostavljena ponuda ocijenjena kao prihvatljiva, pa može biti predmet vrednovanja i može učestvovati u daljem toku natjecanja.**

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, član 4. Stav 2) u kojem je regulisano kako se e-aukcija ne može provesti u slučaju prijema jedne prihvatljive ponude, te se postupak okončava u skladu sa članom 69. stav 1 pod a) ZJN.

Uzimajući u obzir naprijed navedno, Komisija Zapisnikom o pregledu i ocjeni ponuda br. 10-33-4-21251-2 od 21.06.2024.godine i Izvještajem br. 10-33-4-21251-3 od 21.06.2024. godine predlaže da se ugovor za „Nabavku neonatalnih respiratora za potrebe Pedijatrijske klinike KCUS-a“ **odijeli ponuđaču DIAMEDIC d.o.o. Sarajevo.**

Prijedlog Komisije je prihvaćen i donosi se odluka kao u dispozitivu.



**V.D. GENERALNOG DIREKTORA**

**Prof.dr Hajrija Maksić**

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS

Ulica Jelko [Signature]